



Broj: 04-40-1-93/26
Sarajevo, 04.04.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ za period od 08:30 sati 03.04.2026. do 08:30 sati 04.04.2026. godine

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su interevenciju dana 03.04.2026.godine u 21:36 sati u ulici Nikole Šopa br.13 gdje je gorio stan. Požer ugašen u 22:52 sati a na gašenju požara učestvovalo 10 vatrogasaca sa 3 vatrogasna vozila. Također, imali su 6 manjih intervencija i to: 1 intervencija na gašenju zapaljenog krova kuće, 1 intervencija na gašenju zapaljenog smeća u kontejneru, 1 intervencija na gašenju zapaljenog dimnjaka i 3 obezbjeđenja (2 tankovanja goriva na Međunarodnom aerodromu Sarajevo i 1 događaj iz oblasti kulture).

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, na osnovu zadatka zaštite i spašavanja, dana 03.04.2026.godine, izvršili su obilazak i osmatranje terena na lokalitetima Curine njive, Knjeginjac i Bistrički potok.

Prilikom vizualnog pregleda lokaliteta Curine njive utvrđeno je da je uslijed otapanja snijega i kišnih padavina, došlo do vidljivih promjena na terenu u odnosu na prethodni period. Evidentan je konstantan dotok vode iz pravca deponije, kao i pojava plavnih površina na prostoru igrališta. U donjem dijelu lokaliteta, gdje je i ranije bilo prisutno slijeganje tla, sada je uočeno dodatno klizanje zemljišta ispod samog igrališta, uz nakupljanje blatnjavog materijala koji se pomjera prema prvim privatnim kućama. Također je vidljivo proširenje postojećih pukotina, kao i formiranje novih odvajanja zemljišta na tom dijelu. Na lokaciji završetka drenažnog kanala primjećeno je dodatno slijeganje tla, kao i osipanje zemlje, koje je

u odnosu na raniji period izraženije. Ostale promjene nije bilo moguće utvrditi, jer su pojedini dijelovi terena i dalje pokriveni snijegom.

Na lokalitetu Knjeginjac uslijed topljenja snijega, došlo je do povećanja vlage u tlu. U donjem dijelu lokaliteta uočen je pojačan protok vode prema klizištu, koji se formira u vidu manjeg potoka. Također je evidentno stvaranje većih plavnih površina uslijed zadržavanja vode. Nisu uočene druge značajnije promjene.

Na lokalitetu Bistričkog potoka nije uočen zastoj u protoku vode, te se tok odvija nesmetano. Također je zabilježen pojačan dotok vode iz kaptiranog dijela pored mosta. U gornjem dijelu iznad mosta koji teritorijalno pripada općini Stari Grad, i dalje je prisutno obrušeno kamenje, kao i oborena stabla u koritu i njegovoj neposrednoj blizini.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 4°C, vlažnost zraka 100%, barometarski pritisak 943,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

- Zbog održavanja fudbalske utakmice, danas će u vremenu od 18:00 do 23:30 sati za saobraćaj biti zatvorene ulice Bulevar Ivica Osima (od raskrsnice sa ulicama Put Mladih Muslimana i Azize Šaćirbegović do raskrsnice sa ulicom Hamdije Čemerlića) i Topal Osman Paše (od raskrsnice sa ulicom Kemala Kapetanovića do raskrsnice sa ulicom Bulevar Ivica Osima).

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a